

YIMRE BAABUWOL KIRE

1. Me yettiima yaa Allaahu yaa julbe ngettoye,
Ceniido nuloydo Nulaabe ngam majje ngurtoye.
2. Mi Sallaminii dow Annabiijo he aalo'en,
Kazaa he Sahaabo'en he tokkiibe yaakoye.
3. Zamaa fa mi yetti Allah hooti mi silminii,
Muhammad nanee ko nufiimi yaa julbe faamoye.
4. Nufaare nde am yusbango 'en BAABUWOL KIRE,
Mi yusbira ngol Fulfulde Fulbe fu yeetoye.
5. To min njusbirii Arabiyya aalimi tan nafi,
To min njusbirii Fulfulde jaahili faydoye.
6. To'on kiroyii he FARILLA ngaddon mo umra don,
Sujuuda hedjay he farilla seyni o waddoye.
7. Sujuuda wala ngam MUSTAHABBU dalaama fu,
To SUNNA mo sembe sujuuda shar'aa no hiitoye.
8. To'on NAKKISI tan anndoye KABLA ngaddoton,
Tahaake he beddee silminaango bo waddoye.
9. To'on beydoyii tan anndoyee ba'ada ngaddoton
Tahaake he beydee silminaango bo beydoyee.
10. To'on ngejjiti kabla mbafee ba'ada njawfinee,
Zamaa fa to dum neebi si' ay wonnde waddoye.